

**Con motivo da celebración dos 130 anos da Unión Xeral de Traballadores, considerando que a declaración de principios do XVII Congreso segue en esencia vixente, renovamos o noso compromiso coa clase traballadora, baixo os principios da solidariedade, a igualdade, o internacionalismo, a pluralidade e a democracia política, social e económica, para xerar un futuro sustentable, igualitario, xusto e en paz.**

Por iso, enunciamos o seguinte

## **MANIFESTO DA UNIÓN XERAL DE TRABALLADORES CON MOTIVO DO SEU 130 ANIVERSARIO**

A clase traballadora comprometida e organizada

### **DECLARA:**

Que, malia os cambios socioeconómicos acaecidos nos últimos 130 anos, o sistema económico séguese caracterizando pola existencia de dúas categorías de clase: capitalistas, que posúen o control dos medios de produción, os seus instrumentos e os recursos financeiros; e persoas traballadoras, que fundamentalmente posúen a súa forza de traballo, as súas habilidades e o seu coñecemento, conforman a maioría social, e atópanse en condicións de inferioridade económicas, políticas e xurídicas respecto ás primeiras.

Que o capitalismo evolucionou cara a novas fórmulas de negocio más globais e especulativas que difuminan o proceso produtivo, o que lle permite condicionar e eludir o marco normativo nacional e internacional e determinar os resultados das políticas aplicadas no seu favor, en contra dos intereses do ben común, poñendo en risco o Estado de Benestar e a convivencia pacífica dos pobos.

Que este modelo capitalista depredador ataca de maneira decisiva ás redes e mecanismos de defensa dos dereitos e liberdades da clase traballadora, xerando desafección e alentando propostas individualistas, que actúan igualmente contra o benestar colectivo, contra un proxecto social de futuro e contra o principio democrático que protexe aos individuos.

Que o incremento do beneficio económico como principio prevalente tradúcese, a miúdo, nunhas condutas irresponsables e insolidarias que afectan a toda a sociedade e ao medio ao que explotan , opoñéndose ás necesidades colectivas, ao benestar e a igualdade que defende a clase traballadora, á sustentabilidade do planeta, xerando relacións de competencia, rivalidade e confrontamentos que derivan en guerras.

Que as características sociais e individuais das persoas son utilizadas perversamente polo sistema para perpetuar inxustas discriminacións e desigualdades por razón de sexo, idade, nacionalidade, orixe étnica, lingua, orientación ou identidade sexual, enfermidade, discapacidade ou calquera outra circunstancia, condicionando a súa inclusión social e laboral e a capacidade de defensa dos seus dereitos, necesidades e intereses.

**POLO TANTO**, a clase traballadora reivindica un papel activo e protagonista na xestión do modelo económico, social e ambiental, como elemento indispensable do desenrolo pleno das súas liberdades e dereitos, afirmándose como suxeito colectivo organizado e consciente.

### E CONSIDERANDO:

Que para conseguir esta reivindicación ratificámonos no noso compromiso de acción colectiva dirixida a xerar unha distribución xusta da renda e da riqueza e eliminar toda desigualdade e discriminación que precarizan a vida das mulleres e dos homes.

Que aspiramos a un modelo de sociedade igualitario, democrático, en paz e baseado no desenrolo sustentable económico, social e medioambientalmente.

Que é necesario unha reformulación das políticas económicas e sociais para que garantan un traballo decente e de calidade, e unha protección social axeitada das persoas traballadoras e os seus dereitos, asegurando a cohesión social da cidadanía e o equilibrio xeracional.

Que é preciso reafirmar e defender a dignidade do traballo e a seguridade e saúde no mesmo, colocando os dereitos dos traballadores e traballadoras no plano normativo que lles corresponde para que o seu exercicio e goce sexan protexidos e garantidos polas institucións.

Que a dixitalización, robotización e demais avances tecnolóxicos provocan cambios determinantes no mundo do traballo, da información e das relacións sociais que requieren da participación organizada e activa das persoas traballadoras para poñer estes avances ao servizo do progreso social ao seu mellor fin.

Que alcanzar a paz, o desarme e a xustiza mundiais é tarefa irrenunciable para o sindicalismo internacionalista comprometido co progreso democrático dos pobos.

Que, dada a dimensión supranacional das relacións económicas existentes, é preciso construír unhas instancias de supervisión e control eficaces nese mesmo nivel, asentadas en principios democráticos e acompañadas dunha axeitada e coordinada actuación sindical internacionalista.

Que cada vez é máis necesario desenrolar unha conciencia social de traballo, producción, investimento e consumo responsable, como condición necesaria para dignificar a clase traballadora en todo o mundo e xerar un progreso humano realmente equitativo que supere a fragmentación por continentes e países.

Que a unidade da clase traballadora require, de modo imperativo, lograr unha alianza e suma de culturas e traballo, polo que apostamos por unha sociedade xusta, plural e diversa.

MANIFESTO DA UNIÓN XERAL DE TRABALLADORES  
CON MOTIVO DO SEU 130 ANIVERSARIO

Que para conseguir os propósitos de benestar social e emancipación da clase traballadora é imprescindible actuar en confluencia con outras organizacións sociais que defenden intereses comúns, sen que iso supoña renunciar ao papel preponderante que social e institucionalmente corresponde ás organizacións sindicais de clase, a cuxa lexitimidade contribuíu a Unión Xeral de Traballadores durante 130 anos de loita para mellorar a vida das persoas traballadoras.

Que fronte ás crecentes desigualdades, discriminacións e destrución de dereitos e liberdades, UGT defíñese como unha organización de clase, feminista, internacionalista, demócrata e pacifista que promove e defende os dereitos e intereses dos traballadores e das traballadoras no seu eido laboral e máis alá do mesmo, independentemente da súa relixión, orixe étnica, sexo ou orientación sexual ou afectiva, ou nacionalidade, de onde naceran ou de onde vivan ou realicen o seu traballo.

A UNIÓN XERAL DE TRABALLADORES, **PROCLAMA:**

**A plena vixencia do sindicalismo de clase como mellor ferramenta para dar resposta aos anhelos e necesidades da clase traballadora, e en consecuencia, a necesidade de reforzar e adaptar as súas estruturas e instrumentos de acción para agrupar, en torno a unha conciencia común, á cada vez más diversa base social que integra o movemento obreiro, no convencemento de que, hoxe coma sempre, a Unión fai a forza.**

Madrid, 12 de agosto de 2018

